

问希医案

清·蒋宝素原著 杨虎点校 上海中医学院出版社



问斋医案

原著 清·蒋宝素
点校 杨 虎

7151/07



上海中医学院出版社

1227034

(沪)新登字206号

问 斋 医 案

原著 清·蒋宝素 点校 杨 虎

上海中医学院出版社出版发行
(上海零陵路530号 邮政编码200032)

新华书店上海发行所经销

上海市印刷三厂印刷

开本 787×1092 1/32 印张 8.75 字数 197 千字

1993年5月第1版 1993年5月第1次印刷

印数 1—3 000

ISBN 7-81010-188-9/R·187

定价: 6.80 元

点校说明

蒋宝素，字问斋，号帝书，江苏丹徒人，清代医家。约生于乾隆五十九年(1794)，卒于同治十二年(1873)。少时家贫，年十四始识字，至十七岁时攻读岐黄之学，承其父椿田老人家学，并从里中良医王九峰游，尽得其秘，不数年名声大噪。

蒋氏医宗《内》、《难》，精研历代名方，尤其推崇汉代张仲景，其所著医书有《医略十三篇》、《医略稿》、《伤寒表》、《证治主方》、《医林约法三章》等。

《问斋医案》一书，乃作者辑生平医案，分门别类，以五脏为纲，以证为目，凡内外诸因之证悉备。案中所论详明，治法亦大多采用仲景之方及其父所著《医话》中之方。

此次整理，以清道光三十年镇江快志堂初刻本作底本，上海铸记书局石印本作校本。

一、原书有总目，亦有分卷目录，点校后，分卷目录删去。且每卷首书有著者、校者姓氏名字，一并删去，仅卷首保留。

二、凡点校中发现底本中错字，均据校本或医理、文义改之。

三、凡方药后之“右”字，按印刷横排要求，一律改作“上”字。

限于水平，书内点校之错谬在所难免，请海内同道批评指正。

杨 虎

一九九一年十月于上海中医学院

序

古治疗家各以所得著书垂后，其余论病处方，言之详矣，而承学之士临证惆怅，鲜所适从。所以然者，疑似同异之间，病情百变，其说虽存，而治疗之迹不可得而覆按也。旧惟刘禹锡《传信方》、许叔微《本事方》，间具治疾原委，览者心目豁然，遇证之偶相类者，用之无疑，效可立俟。自是以后，丹溪、濒湖、立斋诸家医案往往出矣。余友蒋君宝素，既著《医略十三篇》行世已，又辑生平医案，分别部居，系于五脏，条其细目，列四十三门，凡内外因诸证悉备矣。夫官府兴除成例谓之案，事无巨细必稽旧案，以其曾经斟酌，可以万全无弊也。于医何独不然？一切病情介在疑似，稽之旧案，则以上工之斟酌，救粗工之孟浪，所全必多。且官府之案，当生者必不死，当死者必不生，法依乎情也。医之为案，其决人生死亦然，治合乎疾也。吴门前哲尝著医案，其书甫出，而方与案违，有授人以指摘者，我知蒋君必无是也，虽与丹溪、濒湖、立斋相代与可也。同里愚弟李承霖拜序。

序

宝素先生，以医名世者四十余年。余顷遇于沙溪，先生出所著医案示余曰：此平生所用以治人者，遭乱亡失过半，不忍尽弃，时辑以问世，子为我序之。余素不知医，何足以言先生之蕴奥，然观先生活人之多，则其术之精焉可知矣。是书为先生已试之效，其非空言无补又可信也。先生资禀绝人，于诸子百家靡不通，而于医学为尤邃。凡人精力所贯注，必有不可磨灭之处。是书必行于今而传于后，更无疑也，奚待余言哉！抑余于先生重有感焉。方吾乡晏安时先君子家居，与先生相过从，至乐也。先君子而得危疾，皆赖先生治之获全，迄粤寇西至，先生徙而北，先君子徙而南，音问阻隔。丙辰岁，寇氛益逼，先君子复徙于金沙，悒悒得疾，余时思迎先生一诊，而烽烟满目，道路乖分，卒不可得，而先君子之疾遂以不起。是以一见先生，既感且悲，而又深抱为人子不知医之憾，虽欲从游，亦已晚矣。然则余于是书即欲无言，乌能已乎？爰敬识数语而归之。同里韩弼元顿首拜撰。

自序

医之原，始于黄帝，恣于六臣。黄帝，玄极之神圣也。六臣，命世之鸿才也。然鬼臾区对黄帝之问，犹称臣斯十世，言习医经十世于兹矣，医盖若此其难也。帝与六臣平素讲求问难，以拯元元，所谓《内经》，《尚书》不载，儒者或不传，盖殷末周初，良医述黄岐之论，而《内经》出焉。《内经》以后五百余年，而有扁鹊设《八十一难》。扁鹊没，又五百余年，而有仲景作《伤寒论》。仲景没后，《内经》大义日湮。汉魏以降，唐宋以来，名家竞起，方书充栋，求其与经旨全符者鲜矣！如真风、类风之错乱，阴暑、阳暑之不经，湿热、湿温之疏略，金燥、火燥之混同，相火、君火之无凭，六淫且昧其五，安问其余？此医案所由作也。医案五卷，分心、脾、肺、肾、肝五部，合火、土、金、水、木五行，共四十三门，令百病各有所系，如日以系月，月以系年。先正其名，而后论治，类聚诸家之说，参以经史子集之言，别是非，定从违，必符经旨而后已。岂好辨哉！为去前贤白璧之瑕，为明圣经垂训之旨耳。值瓜洲淦堂李永福精于医，为余参订付梓。

序

天不言医，生神圣以言之。天不治病，生草木以治之。代天言医治病者，神农著《本草》，黄帝著《内经》，上穷天文，下极地理，中悉人事，辨药品之良毒，论疾病之是非，阴阳五行之生克，四时六气之正邪，八方风土之殊治，脏腑气血之盈亏。当年不能究其文，累世不能通其意，学者各因其才以取之耳。故上医医国，能医未病；其次医已病，并医百世之病。医一世之病，不能医百世之病，斯为下矣。扁鹊、秦和、秦缓医国、医未病之医者也。仲景医已病、医百世之医者也。仲景以后至于今，著书立说者，盖二百余家矣！皆能医一世之病，不能医百世之病，离圣久远，仰参经旨，何异居九壤而测九天。然有所得，亦能取效一时，世转风移，成法翻为疑案，以偏救弊，鲜得其中，偏弊相承，有乖经义，以故二百余家所著之书，均皆有病。此医案所以正名为主，名正则言顺，治当而无偏倚之弊。本《内经》之旨，聚诸家之说，证以经史子集之言，令其是非自见。膏肓既针，废疾俱起，然则吾祖乃医书病之医者也。长孙安吉谨识。

问斋医案心脾肺肾肝五部总目

心部第一共十门	1
暑证.....	1
火证.....	5
痰症.....	8
痢疾.....	15
狂癲.....	17
不寐.....	21
怔忡惊悸.....	23
三消.....	27
诸汗.....	30
呃逆.....	31
脾部第二共十门	34
湿证.....	34
霍乱.....	40
沙蠅.....	44
呕吐反胃噎膈.....	48
泄泻.....	52
痰饮.....	59
肿胀.....	73
黄疸.....	83
积聚.....	85

痞满·····	90
肺部第三共七门·····	97
喘促·····	97
哮喘·····	101
咳嗽·····	105
肺痈肺痿·····	111
痿躄·····	114
诸血·····	118
诸窍·····	133
肾部第四共七门·····	138
伤寒·····	138
伏邪·····	140
癆瘵·····	161
便结·····	169
癰秘·····	172
遗精·····	174
淋浊·····	179
肝部第五共九门·····	187
真中风·····	187
类中风·····	191
风眩·····	203
风痹·····	208
风痉·····	212

痢瘵..... 215

七疝..... 218

诸痛..... 220

妇人杂病..... 226

 肝郁..... 226

 经不调..... 234

 崩漏..... 244

 赤白带..... 246

 胎前..... 253

 产后..... 257

 半产..... 259

 子嗣..... 262

问斋医案卷第一心部共十门

京口蒋宝素著 长子小素校正

瓜洲李永福参订

暑 证

暑得君火而蒸，无蒸不病暑，暑为君火，炎蒸湿郁，阳淫热疾，身热恶热，气虚脉虚。《医话》白虎生脉饮宜之。

生石膏 白知母 炙甘草 人参 大麦冬 五味子 粳米 青荷叶

冒暑经营，乘风露卧，暑为凉抑，营卫俱伤，发热恶寒，头身俱痛，脉来虚数少神。《医话》樾荫汤加减主治。

广藿香 紫苏梗 川厚朴 赤茯苓 白扁豆 醋炒制半夏 薏苡仁 炙甘草 枇杷叶

风暑外袭，瓜果内停，苔白巅疼，憎寒身热，心烦喜呕，腹痛溲频，汗不透，脉虚弦，不转疟痢为妙。

广藿香 紫苏叶 赤茯苓 炙甘草 川厚朴 醋炒制半夏 新会皮 大砂仁 焦白术 藜花根

暑从口鼻而入，伤于心胞之络，烦则喘喝，静则多言，身热而烦，消渴引饮，巅疼无汗，六脉浮空。火烁金伤，不能平木，有风生发痉之虑。清心利小便为宜。

香薷 黄芩 醋炒制半夏 川黄连 知母 赤茯苓 猪苓 福泽泻 冬白术 飞滑石 生甘草 蓼花根

仲景有言：君子固密，则不伤于寒。然则君子静定，则不伤于暑。不可拘静而得之，为阴暑之说。安居大厦，因热贪凉，头疼发热，恶寒无汗，身形拘急，肢节烦疼。乃夏令感寒之症，犹冬温之理。正气散加减主之。

紫苏叶 广藿香 赤茯苓 炙甘草 陈橘皮 醋炒制半夏 川厚朴 小川芎 生姜皮

长夏炎蒸，湿郁阳明，胃土先伤，土贯四旁，四肢萎弱，气高而喘，身热而烦，便泻溲频，饮食少进。暑既伤气，湿复伤脾，二气素亏，正不敌邪，堪虑。

人参 嫩黄芪 大麦冬 冬白术 赤茯苓 醋炒制半夏 炙甘草 煨甘葛 川黄连 甜杏仁泥 枇杷叶

头痛如破，身热如燔，自汗如浴，但背恶寒，形神倦怠，口渴心烦。白虎为主，生脉相参。

人参 生石膏 白知母 炙甘草 大麦冬 黄芩 五味子 荷蒂 粳米

经以气虚身热，得之伤暑。

藿香梗 白扁豆 川厚朴 川黄连 桂心 醋炒制半夏 赤茯苓 炙甘草 生姜

风暑湿食互结，身热便泻溲频。

广藿香 老苏梗 赤茯苓 炙甘草 川厚朴 醋炒制半

夏 焦白术 白扁豆 生姜皮

寒暑食湿互结，腹痛如刺，便泻不爽，不至肢冷脉伏为顺。

广藿香 老苏梗 川厚朴 广木香 尖槟榔 草果仁
赤茯苓 炙甘草 醋炒制半夏 大砂仁 鬼箭羽

伏暑，为已凉之气所抑。苔白，溲频，身热，汗少，脉数。阴分本亏，正不敌邪，为可虑耳。

广藿香 紫苏叶 赤茯苓 炙甘草 焦白术 大腹皮
川厚朴 陈橘皮 醋炒制半夏 生姜皮

暑湿内伏，秋凉外感。苔白不腐，汗少，溲频，寒热不甚分明，腹痛便泻不爽，脉来弦数少神，不致转痢作疟为妙。

广藿香 紫苏梗 云茯苓 炙甘草 川厚朴 海南槟榔
枳壳 制苍术 陈橘皮 醋炒制半夏 生姜 茶叶

暑伤气，火烁金，金不平木，热极生风。卒口噤，背反张，神志沉迷，四肢痠痲，俗名暑风。归心不治。

香薷 白扁豆 醋炒制半夏 云茯苓 宣木瓜 炙甘草
人参 蓼花根

体若燔炭，汗如霖雨，消渴引饮，六脉洪长，乃中喝，危疴。勉拟人参白虎加味挽之，迟则变生无及。

人参 生石膏 白知母 炙甘草 云茯苓 醋炒制半夏
粳米 新荷叶

蓼花根煎水代茶饮。

暑有八症，脉虚，身热，面垢，背寒，烦渴，自汗，体重，肢冷。八症悉具，犹云非暑，何耶？

制苍术 桂枝 生石膏 人参 白知母 炙甘草 粳米
生姜 茶叶

经以冬伤于寒，夏必病暑。又言：后夏至日为病暑，乃伏邪因暑而发，小便必赤，中暑，无伏邪，小便必清，以此为别。见在小便清澄，身热憎寒，有汗，肢尖时冷，此中暑，非伏邪可比。《医话》樾荫汤加减主之。

广藿香 老苏梗 赤茯苓 炙甘草 焦白术 白扁豆
薏仁米 川厚朴 制半夏醋炒

风暑伤卫，身热有汗，寒从背起，洒淅散于四肢。

广藿香 老苏梗 赤茯苓 炙甘草 陈皮 制半夏醋炒
川厚朴 焦白术 福泽泻 肥桔梗 生姜 茶叶

外受风暑，内动七情，暑善归心，神昏如醉，风淫未疾，肢冷动摇，暑为凉抑，苔白不化，脉来虚数少神。病势危如朝露，勉拟樾荫汤加减挽之。

紫苏叶 广藿香 赤茯苓 白扁豆 宣木瓜 制半夏
炙甘草 焦白术 福泽泻 生姜 新荷蒂 茶叶

身热有汗，烦渴溲频，脉数。

白茯苓 白知母 炙甘草 白菊花 大麦冬 元参 滑
石 粳米 生姜皮 茶叶

巅疼，足软，身热，神倦，食减。俗传注夏症，属脾虚。

人参 云茯苓 冬白术 炙甘草 当归身 陈皮 银柴胡
绿升麻 大麦冬 五味子 生姜 大枣

火 证

相火得明而烁，无烁不病火。火炎水耗，阴枯液涸。宜壮水之主。

大生地 粉丹皮 建泽泻 怀山药 山萸肉 云茯苓
白知母 川黄柏 元武板

五行各一，火独有二。君火以明，如日光明。相火以位，如物有质。焚之则火见，以人言之，心为君火，心不受病。火症皆守位之相火，火炎水耗，阳亢阴亏，明淫心疾，胞络受邪，烦惑莫能自主，即煎厥之属。《医话》灵犀解毒汤主之。

灵犀角 川黄连 川黄柏 黄芩 黑山栀 秋梨汁

郁怒火起于肝，烦劳火起心胞，思虑火起于脾，悲哀火起于肺，恐惧火起于肾，五志过极，皆从火化。火炎水耗，饥嘈求食，自觉烟焰上腾，贯膈冲咽，口糜起泡，火乘阴位，腰下蒸热，值半产，去血过多，又复因惊气乱肝，失荣养血，燥化风，头眩如载舟车，时觉憎寒，火极似水，病起客夏，延今一载。见在饥嘈求食反欲淡素，肌肤反觉充盈，血色不华，又非浮肿，盖胃火炽甚，饮食倍常，肌肤漫长不得其正，是以似肿非肿。腹中作胀，胸次即舒，胸中作胀或饥嘈，腹中即畅，此乃惊恐乱气所致，六脉弦数少神。暂以清和中胃，静养三阴，观其进退。

大生地 人参 川黄连 川黄柏 黄芩 云茯苓 炙甘草 制半夏 陈橘皮

清和胃气，静养三阴，已服四剂。饥嘈较减，喉间烟焰渐平，夜来蒸热渐退，血色渐华，眩晕亦轻，水火既济有机，小便觉热，火从下降，胸次郁闷，热蒸气腾，腰脊髀股憎寒，热极反兼寒化，六脉渐转洪长，乃夏令时脉，最是佳征，药合机宜，原方增损。

大生地 人参 川黄连 黄芩 川黄柏 陈橘皮 紫琥珀 淡竹沥 生姜汁

原方增损，又服二剂。腹中微痛，便泻，痛随泻减，腹内觉宽，此乃热泻火从下降。心胸嘈杂较前虽减，一日尚有十余次嘈，时能食粥一碗。是症但能由重而轻，自能渐入佳境，脉仍洪数而长，乃夏令本位之脉。服药前此共六剂，已获效机，依方进步可也。

大生地 人参 川黄连 川黄柏 黄芩 陈橘皮 赤茯苓 福泽泻 淡竹沥 生姜汁 金钗一股

依方进步，又服二剂。血色渐华，饥嘈亦减，胸次仍然气闷，热蒸气腾，四肢麻涩不和，荣卫俱虚，二气源头不畅，唇色不红，脾虚不能化血，腹中隐痛，气机不利，食多便少，胃强脾弱，面目浮肿，湿热相乘。仍以两仪三黄为主，加以清气化痰之品。

大生地 人参 川黄连 川黄柏 黄芩 黑山栀 制半夏 陈橘皮 冬白术 淡竹沥 生姜汁 金钗一股